

Landesbibliothek Oldenburg

Digitalisierung von Drucken

**M. Tullius Cicero Mannvciorm Commentariis Illvstratvs
antiquaeq. lectioni restitutus**

Continens De Philosophia Volumen Primum

Cicero, Marcus Tullius

Venetiiis, 1583

Index Librorvm qui Volumine continentur.

[urn:nbn:de:gbv:45:1-770549](#)

I N D E X
L I B R O R V M
Qui hoc Volumine continentur.



| | |
|--|-------------|
| <i>Academicarum quaestionum, editionis primae liber II. qui inscribitur Lucullus</i> | 1 |
| <i>Academicarum quaestionum, editionis secundae liber I.</i> | 33 |
| <i>De Finibus Lib.</i> | <i>I.</i> |
| | <i>II.</i> |
| | <i>III.</i> |
| | <i>IV.</i> |
| | <i>V.</i> |
| <i>Tusculanarum disputationum Lib.</i> | <i>I.</i> |
| | <i>II.</i> |
| | <i>III.</i> |
| | <i>IV.</i> |
| | <i>V.</i> |





IN
M . TULLII . CICERONIS
ACADEMICARVM . QVAESTIONVM
EDITIONIS . PRIMAE
LIBRVM . II.

QVI . IN SCRIBITVR
LVCULLVS

Commentarius Aldi Mannuccij

C I C E R O

NAGNUM ingenium I. Luculli, magnumq; optimarum artium studium, tum omnis liberalis, & digna homine nobili ab eo percepta doctrina, quibus temporibus florere in foro maxime potuit, caruit omnino reb. urbanis, ut enim admodum adolescens cum fratre, pari pietate, & industria praedito, paternas inimicitias magna cum gloria est persecutus; in Asiam quaestor profectus, ibi per multos annos admirabili quadam lande provinciae praefuit. deinde, absens factus aedilis, continuo praetor, (licebat enim celerius legis praemio) post in Africam, inde ad consulatum: quem ita gessit, ut diligentia admirarentur omnes, ingenium agnoscerent. post ad Mithridaticum bellum missus a senatu, non modo opinionem uicit omnium, quae de virtute eius erat, sed etiam gloriam superiorum. idq; eo fuit mirabilius, quod

ab eo laus imperatoria non admodum exspectabatur, qui adolescentiam in forensi opera, quaesturae diuturnum tempus, Murena belum in Ponto gerente, in Asiae pace consumperat. sed incredibilis quaedam ingenij magnitudo non desiderauit indocilem usus disciplina. itaque, cum totum iter, & navigationem consumpsisset partim in percunctando aperitis, parvum rebus gestis legendis, in Asiam factus imperator uenit, cum esset Roma profectus rei militaris rudis. habuit enim diuinam quandam memoriam rerum, uerborum maiorem Hortensius. sed, quo plus in negotijs gerendis res, quam uerba, profunsi; hoc erat memoria illa praestantior: quā fuisset in Themistocle, quem facile Graeciae principem ponimus, singularem ferunt. qui quidem etiam pollicenti cuidam, se artem ei memoriae, quae tum primum proferebatur, traditurum, respondisse dicitur, obliuisci, se malle discere; credo, quod haerebant in memoria, quacumque audierat, aut uiderat.

E X P L A N A T I O

ACADEMICARVM Quaestionum 3 Prior liber, Catulus, inscriptus erat, ad Att. & Quintil. lib. III. cap. 8. LVCULLVS. 3 Plut. in Lucullo, in extremo. CVM fratre; 3 M. Lu-
culo. Plutarchus. ABSENS factus aedilis, continuo praetor, (licebat enim celerius legis praemio) 3 Aedilitatem praetura biennio post consequebatur: quod saepe iam, &, opinor, primi olim docuimus. Lucullus autem, Sullanarum partium adiutor, cum aedilis fuisset, continuo praetor factus est, beneficio legis, ut opinor, a Sulla dictatore latae, ut iis, qui partes eius in civili bello secuti essent, honores ante tempus capere licet. nam apud Appianum lib. I. scriptum est, lege Sullae cantum, ne quis, omissa praetura, consul fieri posset. quod Cicero etiam significat xi. in Antonium, his uerbis: Vopiscus ex aedilitate consulatum petit: soluat legibus. Verisimile autem additum in ea lege de magistratum inter-
vallo, sed exceptos esse eos, quorum opera in bello usus esset. itaque praemium legis hic appellat Cicero. Quod autem ait, Licebat, non ideo abrogatam postea legem Sullae significat, (nam, eam

A ualere,